

2



松陵集卷第六

今體七言詩九

寒夜同襲美訪北禪院

月樓風殿靜沈沈披拂霜華訪

依古堞坐禪深明時尚阻青雲步半夜猶追白石吟自是

海邊鷗伴侶不勞金偈更降心

奉和次韻

日休

院寒青靄正沈沈霜棧乾鳴入古林數葉貝書松火暗一
聲金磬檜煙深陶_漉見社無妨醉殷浩譚經不廢吟何事
欲攀塵外契除君_也有利名心

江南道中懷茅山廣文南陽博士三首

日休

寒嵐依約認華陽遙想高人卧草堂半日始齋青餽飯移
時空印白檀香鶴雛入夜歸雲屋乳管逢春落石牀誰道

夫君無伴侶不離窓下見羲皇

住在華陽第八天望君唯欲結良緣堂局洞裏千秋驚廚

蓋巖根數斗泉壇上古松疑度世觀中幽鳥恐成仙不知

何事迎新歲烏納中一覺眠烏納表出

五色香煙惹內文遠遊燒石飴初熟酒初醺將開丹竈

那防鶴欲算碁圖却望雲海氣半生當洞見瀑冰初拆隔

山間如何世外無交者許邁與王羲之父一卧金壇只有君

奉和次韻

龜蒙

一片輕帆背夕陽望三峰拜七真堂三茅二許一陽天寒夜漱

雲牙淨雪壞晴梳石髮香自拂煙霞安筆格獨開封檢試

硃牀莫言洞府能招隱會輾飈輪見玉皇

壺中行坐可移天何況林間息萬緣組綬任垂三品石珮

環從落四公泉丹臺已運陰陽火碧簡須雕次第仙廣文王李

想得雷平春色動五芝烟甲又芋眠

良常應不動遺文金醴從酸亦自醺蓬萊公洛廣文以金醴昇桂父

舊歌飛絳雪桐孫新韻倚玄雲春臨柳谷鷺先覺曙醮蕪

香鶴共聞珍重雙雙玉條脫盡憑三島寄羊君

早春雪中作吳體寄襲美

龜蒙

迎春避臘不肯下欺花凍草還飄然光填馬窟蓋塞外勢

壑鶴巢偏殿巔山爐瘦節萬狀火墨突乾衰孤穗煙君披

鶴氅獨自立何人認道真神仙

奉和

日休

威仰噤死不敢語瓊花雲魄清珊珊溪光冷射觸鷓鴣柳

帶凍脆攢攔杆竹根乍燒玉節快酒面新潑金膏寒全吳

縹瓦十萬戶惟君與我如袁安

吳中言情寄魯望

日休

古來儻父愛吳鄉一上胥臺不可忘
愛酒有情如手足除詩無計似膏肓
宴口不輟琅書味齋日難判玉鱠香
為說松江堪老處滿船烟月濕莎裳

奉和次韻

龜蒙

菰煙蘆雪是儂鄉釣線隨身好坐忘
徒愛右軍遺點畫閒披左氏得膏肓
無因月殿聞移櫂祇有風汀去採香
莫問江邊漁艇子玉皇看賜羽衣裳

行次野梅

日休

蔦拂蘿梢一樹梅玉妃無侶獨徘徊
好臨王母瑤池發合傍蕭家粉水開
共月已為迷眼伴與春先作斷腸媒
不堪

便向多情道萬片霜華雨損來

奉和次韻

龜蒙

飛棹參差拂早梅強欺寒色尚低徊
風憐薄媚留香與月會深情借艷開
梁殿得非蕭帝瑞齊宮應是玉兒媒
不知謝客離腸醒臨水剛添萬恨來

揚州看辛夷花

日休

臘前千朶亞芳叢細膩偏勝素捺功
螭首不言披曉雪麝臍無主任春風
一枝拂地成瑤圃數樹參庭是藥宮
應爲當時天女服至今猶未放全紅

奉和次韻

龜蒙

柳踈梅墮少春叢天遣花神別致功
高處朶稀難避日動時枝弱易爲風
堪將亂蘂添雲肆若得千株便雪宮
不待

群芳應有意等閒桃李即爭紅

暇日獨處寄魯望

日休

幽慵不覺耗年光犀柄金徽亂一牀野客共為賒酒計家人
同作借書忙園蔬預遣分僧料廩粟先教算鶴糧無限高
情好風月不妨猶得事吾王

奉和

謝府殷樓少暇時又拋清宴入書帷三千餘歲上下古八
十一家文字奇司馬遷書上下紀三千餘歲
太玄有八十一家率多奇字冷夢漢臯懷鹿隱靜
憐煙島覺鴻離知君滿篋前朝事鳳諾龍奴借與窺

從步訪魯望不遇

日休

雪晴墟里竹欹斜蠟屐徐吟到陸家荒徑掃稀堆栢子破
扉開澁染苔花壁閑定欲圖雙檜厨靜空如飯一麻擬受

太玄今不遇可憐遺恨似侯芭

奉和龍裝美見訪不遇

龜蒙

為愁煙岸老神鷲扶病呼兒斲翠茗祇道府中持簡牘不
知林下訪漁樵花盤小撥晴初墜葉擁踈籬凍未燒倚杖
徧吟春照午一池冰段幾多消

開元寺客省早景即事

日休

客省蕭條柿葉紅樓臺如畫倚霜空銅池數滴桂上雨金
鐸一聲松杪風鶴靜時來珠像側鴿馴多在寶幡中如何
塵外虛為契不得支公此會同

奉和次韻

龜蒙

日上只思疊影紅一聲清梵萬緣空襪襪滿地貝多雪料
峭入樓于闐風水榭初抽寥沈思竹窻猶掛夢魂中靈香散

盡禪家接誰共殷源小品同

獨夜有懷因作吳體寄龍裳美

龜蒙

人吟側景抱凍竹鶴夢缺月沉枯梧清澗無波鹿無鬼白
雲有根虬有鬚雲虬澗鹿真逸調刀名錐利非良圖不然快
作燕市飲笑撫肉拏音馨眠酒壚

奉和次韻

日休

病鶴帶霜傍獨屋破巢含雪傾孤梧濯足將加漢光腹抵
掌欲捋梁武鬚隱几清吟誰敢敵披琴酣卧真堪圖此時
枉欠高散物楠瘤作樽石作壚

病中有人惠海蟹轉寄魯望

日休

紺甲青筐染治衣島夷初寄北人時離居定有石帆覺失伴
唯應海月知族類分明連環珞環珞似小蟹有一小蟹在腹中珞出求食故淮海之人呼為蟹奴形容

好箇似螻蛄病中無用雙螯處寄與夫君左手持

詠龍衣美見寄海蟹

龜蒙

藥盃應阻解虫螯香却乞江邊採捕郎自是揚雄知郭索太

經云蟹之郭索

且非何消敢餽鯨

何消侈於食味稍欲去其甚者猶有難措糟蟹

骨清猶似含春雷

沫白還疑帶海霜強作南朝風雅客夜來偷醉早梅傍

病中美景頗阻追遊因寄魯望

日休

癯牀閑卧晝迢迢唯把真如慰寂寥南國不須收蕙苾百
年終竟是芭蕉藥前美祿應難斷枕上芳辰豈易銷看取
病來多少日早梅零落玉華焦

奉詠病中見寄

龜蒙

逢花逢月便相招忽卧雲疏隔野橋春恨與誰同酪酊玄言
何處問逍遙題詩石上空迴筆拾蕙汀邊獨倚撓早晚却

還巖上電

襲美時
有眼疾

共尋芳徑結烟條

闔閭城北有賣花翁討春之士往往造焉因招龍衣美龜蒙
故城邊有賣花翁水曲舟輕去盡通十畝芳菲為舊業一
家煙雨是元功閑添藥品年年別笑指生涯樹樹紅若要
見春歸處所不過推乃手問東風

魯望以花翁之什見招因次韻酬之

日休

九十推乃鋤偃僂翁小園幽事盡能通斲煙栽藥為身計
負水澆花是世功婚嫁定期杉葉紫蓋藏應待桂枝紅不
知家道能多少只在勾芒一夜風

病中庭際海石榴花盛發感而有寄

日休

一夜春工綻絳囊碧油枝上晝煌煌風勻祇似調紅露日
暖唯憂化赤霜火齊滿枝燒夜月金津含藥滴朝陽不知

桂樹知情否無限同遊阻陸郎

奉和次韻

龜蒙

紫府真人餉露囊荷蘭燈燭未熒煌丹華乞暎先凌日金
焰欺寒却照霜誰與佳名從海曲祇應芳裔出河陽那堪
謝氏庭前見一段清香染却郎

早春以橘子寄魯望

日休

箇箇和枝葉捧鮮彩凝猶帶洞庭煙不為韓嫣金丸重直
是周王果圓剖似日蒐初破後弄如星髓未銷前知君
多病仍中聖盡送寒苞向枕邊

襲美以春橘見惠兼之雅篇因次韻酬謝

龜蒙

到春猶作九秋鮮應是親封白帝煙良玉有將水湏讓味明
珠無類亦羞圓堪居漢苑霜梨上合在仙家火棗前珍重

更過三十子不堪分付野人邊王僧辯嘗為荆南得攝一帶三十子以獻梁元帝

病中書情寄上崔諫議時眼疾未平 日休

十日來來曠奉公閉門無事忘春風蟲絲度日縈琴薦蛀粉經時落酒筒馬足歇從殘漏外魚須拋在亂書中殷勤莫怪求醫切只為山櫻欲放紅

奉和次韻 龜蒙

或偃虛齋或在公謁然林下昔賢風庭間有蝶爭煙蕊采簾外無人報水筒行藥不離深幌底時患眼疾寄書多向遠山中西園夜燭偏堪憶曾為題詩刻半紅

病中孔雀 日休

煙花雖媚思沉冥猶自擡頭護翠翎強聽紫簫如欲舞困眠紅樹似依屏因思桂蠹傷肌骨為憶松鵝損性靈盡

日春風吹不起鈿毫金縷一星星

奉和 龜蒙

懶移金翠傍簷楹斜倚芳叢舊態生唯奈瘴煙籠飲啄可堪春雨滯飛鳴鴛鴦水畔迴頭羨荳蔻圖前舉眼鷲爭得鷓鴣來伴著不妨還校有心情

上元日道室焚火修寄龍裝美 龜蒙

三清今日聚靈官玉刺齊抽謁廣寒執蓋冒花香寂歷侍晨交珮響闌珊執蓋侍晨皆仙之貴侶矣將排鳳節分階易欲校龍書下筆難唯有世塵中小兆夜來心拜七星壇

奉和次韻 日休

明真臺上下仙官玄藻初吟萬籟寒飈御有聲時杳杳寶衣無影自珊珊藥書乞見齋心易玉藉求添拜首難端簡不

知清景暮靈蕪香燼落金壇

正月十五日惜春寄襲美

龜蒙

六分春色一分休滿眼東波盡是愁花匠礙寒應束手酒
龍多病尚垂頭無窮懶情齊中散有底機謀敵右侯見織
短蓬裁小檝挈煙閑弄箇漁舟

奉詔惜春見寄

日休

十五日中春日好可憐沉痾冷如灰以前雖被愁將去向
後須教醉領來梅片盡飄輕粉厭昏柳芽初吐爛金醅病中
無限花番次為約東風且住開

聞魯望遊顏家林園病中有寄

日休

一夜韶姿著水光謝家春草滿池塘細挑泉眼尋新脉輕把
花枝嗅宿香蝶欲試飛猶護粉鷺初學轉尚羞簧分明記

得同君賞盡日傾心羨索郎

襲美病中見寄次韻酬之

龜蒙

日華風蕙正交光暹末相携藉草塘暹謝玄小字未謝川小字佳酒旋傾
酈醪嫩短舩閑弄木蘭香煙絲鳥拂來縈帶葉榼人收去
約簧今日好為聯句會不成剛為欠檀郎

春雨即事寄襲美

龜蒙

小謝輕埃日日飛小謝詠雨詩有散漫似輕埃句城邊江上阻春暉雖愁野岸花
房凍還得山家藥笋肥雙屐著頻看齒折敗裘披苦見毛
稀比隣釣叟無塵事灑笠鳴蓑夜半歸

奉和次韻

日休

織恨凝愁映鳥飛半旬飄灑掩韶暉山容洗得如煙瘦地
脉流來似乳肥野客正閑移竹遠幽人多病探花稀何年

細濕華陽道兩乘巾車相並歸

魯望春日多尋野景日休抱疾杜門因有是寄 日休

野侶相逢不待期半緣幽事半緣詩烏紗任岸穿筋竹白
袷從披趁肉芝數卷蠹書碁處展幾勝菰米釣前炊病中
不用君相憶折取山櫻寄一枝

奉和次韻

龜蒙

雖失春城醉上期下帷裁徧未裁詩因吟郢岸百畝蕙欲
採商崖三秀芝棲野鶴籠寬使織施山僧飯別教炊但醫
沈約重瞳健不怕江花不滿枝

偶掇野蔬寄襲美有作

龜蒙

野園煙裏自幽尋嫩甲香蕤引漸深行歌每依鷓舅影挑
頻時見鼠姑心凌風謁彩初携籠帶露虛踈或貯襟欲助

春盤還愛否不妨蕭灑似家林

魯望以躬掇野蔬兼示雅什用以酬謝 日休

杖擗春煙暖向陽煩君為我致盈筐深挑乍見牛唇液爾

云黃牛唇一名水蔞細掐徐聞鼠耳香本草云葉似鼠耳莖赤可生食紫甲採從泉脉畔翠

牙搜白石根傍彫胡飯熟餽餠軟不是高人不合嘗

卧疾感春寄魯望

日休

烏皮几上困騰騰玉柄清羸愧不能昨夜眠時稀似鶴今
朝食數減於僧藥銷美祿應天折醫過芳辰定鬼憎任是
雨多遊未得也須收在探花朋

奉和次韻

龜蒙

共尋花思極飛騰病帶春寒去未能煙逕水涯多好鳥竹
林蒲倚但高僧須知日富為神授祇有家貧免盜憎除却

數函圖藉外更將何事結良朋

徐方平後聞赦因寄襲美

龜蒙

新春旅展御輦軒海內初傳渙汗恩秦獄已收為厲氣瘴
江初返未招冤英材盡作龍蛇蟄時傳貢舉戰地多成虎豹村
除却數般傷痛外不知何事及王孫

奉和次韻

日休

金鷄煙外上臨軒紫誥新垂作解恩涿鹿未銷初敗血新
安頻雪已坑冤空林葉盡蝗來郡腐骨花生戰後村未
遣蒲車問幽隱共君應老抱桐孫

襲美以魚牋見寄因謝成篇

龜蒙

擣成霜粒細鱗鱗知作愁吟幸見分向日乍驚新繭色臨
風時辯白萍文魚子曰白萍好將花下承金粉堪送天邊詠碧雲見

倚小窻親壁染盡圖春色寄夫君

奉訓見荅魚牋之什

日休

輕如隱起膩如飴除却鮫工解製稀欲寫恐成河伯詔試
裁疑是水仙衣毫端白獺脂猶濕指下冰蠶子欲飛若用
莫將閑處去好題春思贈江妃

病後春思

日休

連錢錦暗麝氛氲荆思多才詠鄂君孔雀鈿寒窺沼見石
榴紅重墮階聞牢愁有度應如月春夢無心祇似雲應笑
病來慙滿願花牋好作斷腸文

奉和次韻

龜蒙

氣和靈府漸氤氳酒有賢人藥有君七字篇章看月得百
勞言語傍花聞閑尋古寺銷晴日最憶深溪枕夜雲早晚

共搖孤艇去紫屏風外碧波文

襲美以公齋小宴見招因代書寄之

龜蒙

早雲纔破漏春陽野客晨興喜又忙自與酌量煎藥水別
教安置曬書牀依方釀酒愁遲去借樣裁巾怕索將唯待
數般幽事了不妨還入少年場

偶成小酌招魯望不至以詩為解因次韻酬之 日休

醉侶相邀愛早陽小筵催辨不勝忙衝深柳駐吳娃憶倚
短花排羯鼓牀金鳳欲為鷓鴣引去鈿蟬疑被蝶勾將如何
共是忘形者不見漁陽叅一場

以紗巾寄魯望因而有作

日休

周家新樣替三梁頭巾起後周武帝裹髮偏宜白面郎掩斂乍疑裁黑
霧務輕明渾似戴玄霜今朝定見看花吳明日應聞漉酒香

更有一般君未識虎文中在絳霄房

襲美以紗巾見惠繼以雅音因次韻酬謝 龜蒙

薄如蟬翅背斜陽不稱春前贈女減反郎初覺頂寒生遠吹

預憂頭白透新霜堪窺水檻澄波影好拂花墻亞蕊香知

有芙蓉留自戴桐柏真人戴芙蓉冠也欲栽煙霧訪黃房

聞襲美有親迎之期因以寄賀 龜蒙

梁鴻夫婦欲雙飛細雨輕寒拂雉衣初下雪牕應眷戀次
乘煙幙奈光輝參差扇影分華月斷續簫聲落翠微見
說春風偏有賀露花千乃采照庭闈

臨頓宅將有歸于之日魯望以詩見貺因杼懷酬之 日休

共老林泉忍暫分此生應不識迴文幾枚竹筥送德曜一乘
柴車迎少君舉案品多緣澗藥承家事少為溪雲居然自

是幽人事輒莫教他孫壽聞

龍襲美以巨魚之半見分因以訓謝

龜蒙

誰與春江上信魚可憐霜刃截來初鱗墮似撒騷人屋腹
斷疑傷遠客書避網幾跳山影破逆風曾蹙浪花虛今朝
最是家童喜免泥荒畦掇野蔬

奉和

日休

釣公來信自松江三尺春魚撥刺霜腹內舊鈎苔淅澁腮
中新餌藻和香冷鱗中斷榆錢破寒骨平分玉箸光何事
貺君偏得所祇緣同是越航郎

館娃宮懷古

日休

艷骨已成蘭麝射土宮墻依舊壓層崖弩臺雨壞逢金鏃
香逕泥銷露玉釵硯沼祇留溪鳥浴禿廊空信野花埋姑蘇

麋鹿真閑事須爲當時一愴懷

奉和次韻

龜蒙

鏤楣消落濯春雨蒼翠無言空斷崖草碧未能忘帝女燕
輕猶自識宮釵江山祇有愁容在劔珮應和愧色埋賴有伍
貞騷思少吳王纔免似荆懷

龍襲美以紫石硯見贈以詩迎之

龜蒙

霞骨堅來玉自愁琢成飛燕古釵頭澄沙脆弱聞應伏青鐵
沈埋見亦羞寂稱風亭批碧簡好將雲竇漬寒流君能把
贈閑吟客徧寫江南物象酬

以紫石硯寄魯望兼酬見贈

日休

樣如金威足小能輕微潤將融紫玉英石墨一研爲鳳尾寒
泉半勺是龍睛騷人白芷傷心暗狎客紅筵奪眼明兩地

有期皆好用不須空把洗溪聲

同龍衣美遊北禪院

院即故司勳陸
郎中舊宅

龜蒙

連延花蔓映風廊岸幘披襟到竹房居士祇今開梵處先
生曾是草玄堂清樽林下看香印遠岫窓中挂鉢囊今日
有情消未得欲將名理問思光

奉和

日休

戚歷杉陰入草堂老僧雖見似相忘吟多幾轉蓮花漏坐
久重焚栢子香魚慣齋時分淨食鵠能閑處傍禪牀雲林
滿眼空羈滯欲對彌天却自傷

孫發百篇將遊天台請詩贈行因以送之

日休

孫子荆家思有餘元戎曾薦入公車百篇宮體喧金屋一日
官銜下玉除紫府近道齋後夢赤城新有寄來書因逢二

老如相問正滯江南為鮑魚

奉和

龜蒙

直應天授與詩情百詠唯消一日成去把彩毫揮下國歸
叅黃綬別春卿閑窺琥珀落懷煙霧暫向金庭隱姓名珍
重興公徒有賦石梁深處是君行

薔薇

龜蒙

倚墻當戶自橫陳致得貧家似不貧外布芳菲雖笑日中
含芒刺欲傷人清香往往生遙吹狂蔓看看及四鄰遇有
客來堪玩處一端晴綺照煙新

奉和次韻

日休

誰繡連延滿戶陳暫應遮得陸郎貧紅芳掩斂將迷蝶翠
蔓飄飄欲挂人低拂地時如墮馬高臨墻處似窺隣祗應

是董雙成戲翦得神霞寸寸新

聞開元寺開筍園寄章上人

日休

園鐫開聲駭鹿群滿林鮮籜水犀文森森競泣林梢雨
雙爭穿石上雲並出亦如鴛管合各生還似犬牙分折煙
束露如相遺何省明朝不如葷

奉和

龜蒙

春龍爭地養檀欒況是雙林雨後看迸出似毫當垤堞孤
生如恨倚欄干凌虛勢欲齊金刹折贈光宜照玉盤更待
錦苞零落後粉環高下揭煙寒

春夕陪崔諫議櫻桃園宴

日休

萬樹香飄水麝風蠟燭花雪盡成紅夜深懽態狀不得醉
客圖開明月中

衛協畫
醉客圖

奉和

龜蒙

佳人芳樹雜春蹊花外煙濛月漸低幾度艷歌清欲轉流
鶯驚起不成棲

松江早春

日休

松陵清淨雪消初見底新安恐未如穩凭船舷無一事分
明數得鱸殘魚

奉和

龜蒙

柳下江食待好風暫時還得狎漁翁一生無事煙波足唯
有沙邊水勃公

女墳湖

即吳王葬
女之所

日休

萬貴千奢已寂寥可憐幽憤為誰嬌須知韓重相思骨直
在芙蓉向下消

奉和

水平波淡遠迴塘鶴殉人沉萬古傷應是離魂雙不得至
今沙上少鴛鴦

龜蒙

泰伯廟

日休

一廟爭祠兩讓君幾千年後轉清芬當時盡解稱高義誰
敢教他莽卓聞

奉和

龜蒙

故國城荒德未荒年年椒奠濕中堂邇來父子爭天下不
信人間有讓王

宿木蘭院

日休

木蘭院裏雙棲鶴長被金鉦聒不眠今夜宿來還似爾到
明無計夢雲泉

奉和次韻

龜蒙

苦吟清漏迢迢極月過花西尚未眠猶憶故山歌警枕夜
來嗚咽似流泉

重題薔薇

日休

濃似猩猩初染素輕於燕燕欲凌空可憐細麗難勝日照
得深紅作淺紅

奉和次韻

龜蒙

穠華自古不得久況是倚春春已空更被夜來風雨惡滿
階狼藉沒多紅

春夕酒醒

日休

四絃纔罷醉蠻奴酈醪餘香在翠爐夜半醒來紅蠟短一
枝寒淚作珊瑚

奉和

幾年無事傍江湖
醉倒黃公舊酒壚
覺後不知新月上
滿身花影倩人扶

松陵集卷第六

松陵集卷第七

今體七言詩九十首

開元寺佛鉢詩 并序

日休

按釋法顯傳云佛鉢奉在毗舍離今在乾陀衛竟若干百年當復至西月支國若干百年至于闐國若干百年當至屈茨國若干百年當復來漢地晉建興二年二聖像浮海而至滬瀆僧尼輩取之以歸今存于開元寺後建興八年漁者於滬瀆沙內上獲之以為日類乃葷而用焉俄有佛像見于外漁者始為異意滬瀆二聖之遺祥也乃以鉢供之迄今尚存余遂觀而為之詠因寄天隨子

詩

帝青石作綠冰姿

佛律云此鉢帝青玉石也四天王所獻也

曾得金人手自持
拘律

樹邊齋散後提羅
花下洗來時乳麩
味斷中天覺
麥麩香

消大劫知從此共君親頂戴針風應不等閑吹

奉和

龜蒙

空王初受逞神功四鉢須臾現一重至今鉢綠有四重也持次想添香積飯覆時應帶步羅鍾光寒好照金毛鹿響音靜堪降白耳龍從此寶函香裏見不煩西去詣靈峯

夏首病愈因招魯望

日休

曉入清和尚袷衣夏陰初合掩雙扉一聲撥穀桑柘晚數點春鋤煙雨微貧養仙禽能箇瘦病關芳草就中肥明朝早起非無事買得蓴絲待陸機

奉酬次韻

龜蒙

雨多青合是垣衣一幅蠻牋夜款扉蕙帶又聞寬沈約茅齋猶自憶王微方靈祇在君臣正篆古須拋點畫肥除却

伴談秋水外野鷗何處更忘機

新夏東郊閑泛有懷襲美

龜蒙

遲於春日好於秋野客相携乃上釣舟經略約時冠暫亞佩苓箬後帶頻搗蒹葭鷺起波搖笠村落蠶眠樹挂鈎料得祇君能愛此不爭煙水似封侯

奉和次韻

日休

水物輕明淡似秋多情才子倚蘭舟碧紗裳下推乃詩草黃篔樓中挂酒筵蓮葉蘸波初轉棹魚兒簇餌未諳鈎共君莫問當時事一點沙禽勝五侯

四月十五日道室書事寄襲美

龜蒙

烏飯新炊蕪臠香道家齋日以為常月苗杯舉存三洞雲藥函開叩九章一掬陽泉堪作雨數銖秋石欲成霜可中

值著雷平信為覓閑眠苦竹牀

奉和

日休

望朝齋戒是尋常靜啓金根第幾章竹葉飲爲甘露色
蓮花鮓作肉芝香松膏背日凝雲磴丹粉經年染石牀剩
欲與君終此志頑仙唯恐鬢成霜

看壓新醅寄懷龍美

龜蒙

曉壓糟牀漸有聲旋如荒澗野泉清身前古態燠應出世
上愁痕滴合平飲啄斷年同鶴儉風波終日看人爭樽中
若使常能錄兩綬通侯惣強名

奉和次韻

日休

一筓松花細有聲旋將渠椀撇寒清秦吳只恐筓來近劉項
眞應釀得平酒德有神多客頌醉鄉無貨没人爭五湖煙

水郎山月合向樽前問底名

登初陽樓寄懷北平郎中

日休

危樓新製號初陽白粉青葦射沼光避酒幾浮輕舴艋
下碁曾覺睡鴛鴦投鈎列坐圍華燭格籥塞分朋占靚粧
莫怪重登頻有恨二年曾侍舊吳王

奉和

龜蒙

遠窻浮檻亦成年幾伴楊公白晝筵日暖煙花曾撲地氣
和星象却歸天閑將水石侵軍壘醉引笙歌上釣船無限
恩波猶在目東風吹起細漪漣

夏初訪魯望偶題小齋

日休

半里芳陰到陸家藜牀相勸飯胡麻林間度宿拋碁局壁
上經旬挂釣車野客病時分竹米隣翁齋日乞藤花踟躕

未放閑人去半岸紗幘待月華

奉和次韻

龜蒙

四隣多是老農家百樹雞桑半頃麻盡趁清明修網架每
和煙雨掉縲車啼鷺偶坐身藏葉餉婦歸來鬢有花不
是對君吟復醉更將何事送年華

所居首夏水木尤清適然有作

日休

病來無事草堂空晝水休聞十二筒桂靜似逢青眼客松
閑如見綠毛翁潮期暗動庭泉碧梅信微侵地障紅盡日
枕書慵起得被君猶自笑從公

奉和次韻

龜蒙

柿陰成列藥花空却憶桐江下釣筒亦以魚蝦供熟鷺近
緣櫻笋識隣翁閑分酒劑多還少自記書籤白間紅更愛

夜來風月好轉思玄度對支公

重玄寺元達年逾八十好種名藥凡所植者多
至自天台四明包山句曲叢萃紛糅各可指名

余竒而訪之因題二章

日休

雨蓀煙鋤偃僂賈紺牙紅甲兩三畦藥名却笑桐君少年
紀翻嫌竹祖低白石靜敲蒸木火清泉閑洗種花泥恠來
昨日休持鉢一尺彫胡似掌齊

香蔓上水籠覆昔邪檜煙杉露濕袈沙衣石盆換水撈松葉
竹徑遷牀避笋牙藜杖移時挑細藥銅餅盡日灌幽花支
公謾道憐神駿不及今朝種一麻

奉和題達上人藥圃二首

龜蒙

藥味多從遠客賈旋添花譜旋成畦三椽舊種根應異九

節初移葉尚低山芙蓉便和幽澗石水芝須帶本池泥從今直
到清秋日又有香苗幾番齊

淨名無語示清羸藥草搜求喻更微一雨一風皆遂性花
開花落盡忘機教踈兔縷金絃亂兔絲別名自擁龍芻紫汞肥
莫恠獨親幽圃坐病容銷盡欲依歸

懷華陽潤卿博士三首

日休

先生一向事虛皇天市壇西與世忘環堵養龜看氣訣刀
圭餌犬試仙方靜探石腦衣裾潤閑鍊松脂院落香聞道
徵賢須有詔不知何日到良常

冥心唯事白英君不問人間爵與勳林下醉眠仙鹿見洞
中閑話隱芝聞石牀卧苦渾無蘚藤篔開稀恐有雲料得
虛皇新詔樣青瓊板上綠為文

鳳骨輕來稱瘦容華陽館主未成翁

陶隱居昔為華陽館主

數行玉札

存心久一掬雲漿漱齒空白石煮多燠屋黑丹砂埋久染

泉紅他年欲事先生去十賚須加陸逸伸

逸伸嘗事隱居隱居錫名栖靜處十賚猶人間九錫也

奉和三首

龜蒙

幾降真官授隱書洛公會到夢中無眉間入靜三辰影肘
後通靈五嶽圖北洞樹形如曲蓋東凹山色似薰爐金墟
福地能容否願作岡前蔣負芻

火景應難到洞宮蕭閑堂冷任天風談玄塵尾拋雲底服
散龍胎在酒中有路還將赤城接無泉不共紫河道竒編
早晚教傳授免以神仙問葛洪

終日焚香禮洞雲更思琪樹轉勞神曾尋下泊宮名常經月
不到中峯又累春仙道最高黃玉錄暑天偏稱白綸巾清

齋若見茅司命乞取朱兒十二斤

以竹夾膝寄贈襲美

龜蒙

截得篔簹冷似龍翠光橫在暑天中堪臨薤簟開憑月好
向松窓卧跂風持贈敢齊青玉案醉吟偏稱碧荷筒添君
雅具教多著為著西齋譜一道

魯望以竹夾膝見寄因次韻酬謝

日休

圓於玉柱滑於龍來自衡陽彩翠中拂潤恐飛清夏雨叩
虛疑貯碧湘風大勝書客裁成簡頗賽溪翁截作筒從
此角巾因爾戴俗人相訪若為道

夏景無事因懷章來二上人

日休

澹景微陰正送梅幽人逃暑瘦楠盃水花移得和魚子山薇
收時帶竹胎嘯館大都偏見月醉鄉終竟不聞雷更無一

事唯留客却被高僧怕不來

佳樹盤珊枕草堂此中隨分亦閑忙平鋪風簟尋琴譜靜
掃煙窓著藥方幽鳥見貧留好語白蓮知卧送清香從今
有計消閑日更為支公置一牀

奉和次韻

龜蒙

簷外青陽有二梅折來堪下凍醪盃

離騷注云盛夏以醇酒置冰上

高杉自欲

生龍腦小弁誰能寄鹿胎麗事肯教饒沈謝談微何必減
宗霄還聞擬結東林社爭奈淵明醉不來

忽憶高僧坐夏堂獸泉聲鬧笑雲忙山重海澹懷中印月
冷風微宿上方病後書求嵩少藥定迴衣染貝多香何時
更問道遥義

道林有道遥遊別義

五粒松陰半石牀

寄瓊州揚舍人

日休

德星芒彩瘴天涯酒樹堪消謫官嗟行遇竹王因設奠居
逢木客又遷家清齋淨澗枕榔麵遠信閑封豈蕊花清切
會須歸有日莫貪勾漏足丹砂

奉和

龜蒙

明時非非謫何偏鵬鳥巢南更數千酒滿椰盃消毒霧風
隨蕉扇下瀧船人多藥戶行狂蠱吏有珠官出俸錢祇以
直誠天自信不勞詩句詠貪泉

魯望以輪鈎相示緬懷高致因作三篇

日休

角柄孤輪細膩輕翠蓬十載伴君行撚時解轉蟾蜍魄拋
處能啼絡緯聲七里灘波喧一舍五雲溪月靜三更朱衣
鮒足和蓑睡誰信人間有利名
一線飄然下碧塘溪翁無語遠相望蓑衣舊去煙披重箬

笠新來雨打香白鳥白蓮為夢寐清風清月是家鄉明朝

有物充君信播酒三緝寄夜航

播酒出沈約集

盡日悠然舴艋輕小輪聲細雨冥冥三尋絲帶桐江爛一
寸鈎含笠澤腥用近詹何傳釣法收和范蠡養魚經孤蓬
半夜無餘事應被嚴灘聒酒醒

龜蒙頃自桐江得一釣車以龍襲美樂煙波之思因
出以為玩俄辱三篇扁復杼訓答

旋屈金鈎劈翠筠手中盤作釣魚輪忘情不效孤醒客有
意閑窺百丈鱗雨似輕埃時一起雲如高蓋強相親任他
華轂低頭笑此地終無覆瓿人

曾招漁侶下清潯獨壘初隨一錘深細輾煙華無轍跡靜
含風力有車音相呼野飯依芳草迭和山歌逗遠林得失

任渠但取樂不曾生箇是非心

病來懸著脆緡絲獨喜高情為我持數幅尚凝煙雨態三
篇能賦蕙蘭詞雲深石淨閑眠穩月上江平放溜遲第
一莫教諳此境倚天功業待君為

吳中書事寄漢南裴尚書

日休

萬家無事鑠蘭棹鄉味腥多馱紫薑江文通集云紫薑石劫也水似棊文
交度郭柳如行障儼遮橋青梅蒂重初迎雨白鳥群高欲
避潮唯望舊知憐此意得為傖鬼也逍遙

奉和

龜蒙

風清地古帶前朝遺事紛紛未寂寥三苑涼波漁蕪動遠祖
士衡對晉武帝以三苑冬溫夏涼五茸春草雉媒嬌五茸吳王獵所茸各有名雲藏野寺分金刹月
在江樓倚玉簫不用懷歸忘此景吳王看即奉弓招

夏景冲澹偶然作二首

日休

祇隈蒲褥岸烏紗味道澄懷景便斜紅印寄泉慙郡守青
篔與笋愧僧家茗爐盡日燒松子書按經時剥瓦花園吏
暫棲君莫笑不妨猶更著南華

一室無喧是事幽還如貞白在高樓天台畫得千迴看湖
目芳來百度遊湖目石蓮子也無限世機吟處息幾多身計釣前休
他年謁帝言何事請贈劉伶作醉侯

奉和次韻

龜蒙

蟬雀參差在扇紗竹襟輕利竹擇斜壚中有酒文園會琴
上無絃靜節家芝畹煙霞今覆穗橘洲風浪半浮花閑思
兩地忘名者不信人間髮解華
祇於池曲象山幽便是瀟湘浸石樓斜拂艾盤輕鷺下細

穿菱線小鯢遊開開茗焙嘗須徧醉撥書帷卧始休莫道
仙家無好爵方諸還拜碧琳侯

送李明府之任南海

日休

五羊城在蜃樓邊墨綬垂綬正少年山靜不應聞屈鳥草
深從使翳貪泉蟹奴晴上臨潮檻燕婢秋隨過海船一事
與君消遠宦乳蕉花發訟庭前

奉和

龜蒙

春盡之官直到秋嶺雲深處凭瀧樓居人愛近沉珠浦候
吏多來拾翠洲賓稅盡應輸紫貝蠻童多學佩金鈎知君
不戀南枝久拋却經冬白剝裘

寄題羅浮軒轅先生所居

日休

亂峯四百三十二羅浮山峯數欲問徵君何處尋紅翠山鳥名數聲瑤

室嚮音

山有斑房瑤室七十有二

真檀一炷石樓深山都遣負沽來酒樵客
容看化後金從此謁師知不遠求官先有葛洪心

奉和

龜蒙

鼎成仙馭入崆峒百世猶傳至道風暫應青詞為穴鳳却
思丹徵伴冥鴻金公的的生爐際瓊刃時時到夢中預恐
浮山歸有日載將雲室十洲東

宿報恩寺水閣

日休

寺錄雝峯寂不開幽人中夜獨徘徊池文帶月鋪金簟蓮
朶含風動玉杯往往竹梢搖翡翠時時杉子擲莓苔可憐
此際誰曾見唯有支公盡弄來

奉和

龜蒙

峯抱池光曲岸平月臨虛檻夜何清僧穿小檜纔分影魚

擲高荷漸有聲因憶故山吟易苦各橫秋簟夢難成周顥
不用裁書勸自得涼天證道情

醉中偶作呈魯均一

日休

谿雲澗鳥本吾儕剛爲浮名事事乖十里尋山爲思役五
更省只是情差分將吟詠華雙鬢力以壺觴固百骸爭得
草堂歸卧去共君同作太常齋

奉和次韻

龜蒙

海鶴飄飄韻莫儕在公猶與俗情乖初呈酒務求專判合
禱山祠請自差永夜譚玄侵罔象一生交態忘形骸憐君
醉墨風流甚幾度題詩小謝齋

寄滑州李副使負外

日休

兵繞臨淮數十重鐵衣才子正從公軍前草奏旄頭下城

上封書箭 中圍合只應門曉鴈血腥何處避春風故人
勲重金章貴猶在江湖積釣功

奉和

龜蒙

洛生閑詠正抽毫忽傍旌旗著戰袍檄下連營皆破膽劍
離孤匣欲吹毛清秋月色臨軍壘半夜淮聲入賊壕除却
征南爲上將平徐功業更誰高

傷史拱山人

日休

一絨幽信自襄陽上報先生去歲亡山客爲醫翻貫藥野
僧因弔却焚香峯頭孤冢爲雲穴松下靈筵是石牀宗炳
死來君又去終身不復到此桑

奉和

龜蒙

曾說山樓欲去尋豈知霜骨葬寒林常依淨住師冥目兼

事容成學筭心

史學浮圖兼善筭術

逋客預齋還梵唱老猿窺祭亦悲

吟唯君獨在江雲外誰誅孤貞置峴岑

吳中言懷寄南海二同年

日休

曲水分飛歲已賒東南為客各天涯退公祇傍蘇勞竹移
宴多隨末利花銅鼓夜敲溪上月布帆晴照海邊霞三年
謾被鱸魚累不得橫經侍絳紗

奉和

龜蒙

曾具凌風上赤霄盡將華藻赴嘉招城連虎踞山圖麗路
入龍編海舶遙江客漁歌衝白苕野貪人語暎紅蕉庭中
必有君遷樹莫向空臺望漢朝

交州記云有君遷樹有朝臺尉他望漢所築

肯門閑泛

日休

青翰虛徐夏思清愁煙漠漠苕花平醉來欲把田田葉盡

裹當時醒酒鯖

奉和

龜蒙

細漿輕棹下白蘋故城花謝綠陰新豈無今日逃名士試
問南塘著屨人

木蘭後池三詠

日休

重臺蓮花

歌紅媿媚力難任母葉頭邊半米金可得教他水妃見兩
重元是一重心

浮萍

嫩似金脂颺似煙多情渾欲擁紅蓮明朝擬附南風信寄
與湘妃作翠鈿

白蓮

但恐醜醜難並絮祇應蒼荀可齊香半垂金粉知何似靜
婉臨溪照額黃

奉和三詠

龜蒙

重臺蓮花

水國煙鄉足芰荷就中芳瑞此難過風情爲與吳王近紅
萼常教一倍多

浮萍

晚來風約半池明重疊侵沙綠剗成不用臨池重相笑最
無根蒂是浮名

白蓮

素蘂多蒙別艷欺此花真合在瑤池還應有恨無人覺月
曉風清欲墮時

重題後池

日休

細雨闌珊眠鷺覺鈿波悠漾並鴛嬌適來會得荆王意祇
爲蓮莖重細畧

奉和

龜蒙

曉煙清露暗相和浴鴈浮鷗意緒多却是陳王詞賦錯枉
將心事託微波

襲美庭中初植松桂偶題

龜蒙

軒陰冉冉移斜日寒韻泠泠入晚風煙格月姿曾不改至
今猶似在山中

奉和次韻

日休

毵毵綠髮垂輕露獵獵丹華動細風恰似青童君欲會儼
然相向立庭中

戲題龍裝美書印囊

龜蒙

鵲銜龜顧妙無餘不愛封侯愛石渠應笑休文過萬卷至
今誰道沈家書

奉和次韻

日休

金家方圓一寸餘可憐銀艾未思渠不知夫子將心印印
破人間萬卷書

館娃宮懷古五絕

日休

綺閣飄香下太湖亂兵侵曉上姑蘇越王大有堪著處祇
把西施賺得吳

鄭姐無言下玉墀夜來飛箭滿梁暈越王定指高臺笑却
見當時金鏤眉

半夜娃宮作戰場血腥猶雜宴時香西施不及燒殘蠟猶

為君王泣數行

素襪雖遮未掩羞越兵猶怕五負頭吳王恨鬼今如在祇

合西施瀨上游

響櫛廊中金玉步採蘭山上綺羅身不知水葬今何處溪
月彎彎欲効嚙

奉和五絕

龜蒙

三千雖衣水犀珠半夜夫差國暗屠猶有八人皆二八獨
教西子占亡吳

一宮花渚漾漣漪佞墮鴉鬢出繭眉可料座中歌舞袖便
將殘節拂降旗

幾多雲榭倚青冥越焰燒來一片平此地最應沾恨血至
今春草不勻生

江色分明練遶臺戰帆遙隔綺疏開波神自歇荒淫主勾
踐樓舡穩帖來
寶袜香綦碎曉塵亂兵誰借似花人伯勞應是精靈使猶
向殘陽泣暮春

虎丘寺西小溪閑泛三絕

日休

鼓子花明白石岸桃枝竹覆翠嵐溪分明似對天台洞應
獸頑仙不肯迷
絕壑祇憐白羽傲窮谿唯覺錦鱗癡更深尚有通樵處或
是秦人未可知
高下不驚紅翡翠淺深還礙白薔薇船頭繫箇松根上欲
待逢仙不擬歸

奉和三絕次韻

龜蒙

樹號相思枝拂地鳥語提壺聲滿溪雲涯一里千萬曲直
是漁翁行也迷
荒柳卧波渾似困宿雲遮塢未全癡雲情柳意蕭蕭會若
問諸餘揔不知
每逢孤嶼一倚檝便欲狂歌同採薇任是煙蘿中待月不
妨歌枕扣舷歸

松陵集卷第七

松陵集卷第八 今體七言詩八十四首

白鷗詩 并序

龜蒙

樂安任君嘗爲涇尉居吳城中地纔數畝而不佩俗物有池池中有鳥嶼池之南西北邊合三亭脩篁嘉木掩隱隈奧處莫一不見其二也君好奇樂異喜文學名理之士所得皆清散凝瑩襲美知而借誼旣坐有白鷗翩然馴於砌下因請浮而翫之主人曰池中之族老矣每以豪健據有鷗之始浮輒逐而害之今畏不敢入吁昔人之心蓄機事猶或舞而不下況害之哉且羽族麗于水者多矣獨鷗爲閑暇其致不高耶一旦水有鯨鯢之患陸有狐狸之憂儔侶不得命嘯塵埃不得澡刷雖蒙人之流賞亦天地之窮鳥也感而爲詩邀襲美同作

詩

慣向溪頭漾淺沙薄煙微雨是生涯時時失伴沉山影往
往爭飛雜浪花晚樹清涼還鷓鴣舊巢零落寄蒹葭池塘
信美應難戀針在魚脣劍在蝦

奉和

日休

雪羽襜褕半惹泥泅雲深處舊巢迷池無飛浪爭教舞洲
少輕沙若遣接煙外失群慙鴈鴛波中得志羨鳧鷖主人
恩重真難遇莫為心孤憶舊溪

懷揚台文揚鼎文三秀才

龜蒙

秋早相逢待得春崇蘭清露小山雲崇蘭小山
中二堂寒花獨自愁
中見曙角多同醒後聞釣具每隨輕舸去詩題閑上小樓
分重思醉墨縱橫甚書破羊欣白練裙

奉和次韻

羊曇留我昔經春各以篇章鬪五雲賓草每容閑處見擊
琴多任醉中間釣前青翰交加倚醉後紅魚取次分為說風
標曾入夢上仙初著翠霞裙

友人以人參見惠因以詩謝之

日休

神草延年出道家神草
別名是誰披露記三極開時的定涵雲液
斲後還應帶石花名士寄來消酒渴野人煎處撒泉華從
今馮劑如相續不要金山焙上茶

奉和

龜蒙

五葉初成椶樹陰紫團峯外即雞林名參鬼蓋須難見材
似人形不可尋品第已聞升碧簡携持應合重黃金殷勤
潤取相如肺封禪書成動帝心

傷進士嚴子重詩并序

日休

余爲童在鄉校時簡上抄杜舍人牧之集見有與進士嚴
憚詩後至吳一日有客曰嚴、宋余志其名久矣遠懷文見
造於是樂得禮而觀之其所爲工於七字往往有清便柔
媚時可軼駭於常軌其佳者曰春光冉冉歸何處更向花
前把一杯盡日問花花不語爲誰零落爲誰開余美之諷
而未嘗怠生舉進士亦十餘計偕余方寃之謂乎竟有得
於時也未幾歸吳興後兩月咸通十一年也雲人至云生以疾亡於
所居矣噫生徒以詞聞於士大夫竟不名而逝豈止此而
堙沒耶江湖間多美利士君子苟樂退而有文者死無不
爲時惜可勝言耶於是哭而爲詩魯望生之友也當爲我同作

詩

十哭都門榜上塵蓋棺終是五湖人生前有敵唯丹桂沒
後無家祇白蘋箬下斬新醒處月江南依舊詠來春知君
精爽應無盡必在鄴都頌帝晨

梁成鄴都官頌曰紂絕標帝晨

嚴子重以詩遊於名勝間舊矣余晚於江南相遇
甚樂不幸且沒龍襲美作詩序而弔之其名真不
朽矣又何戚其死哉余因息悲而爲之和

龜蒙

每值江南日落春十年詩酒愛逢君芙蓉湖上吟舫倚翡翠
巖前醉馬分祇有汀洲連舊業豈無章疏動遺文猶
憐未卜佳城處更斲要離冢畔雲

早秋吳體寄龍襲美

龜蒙

荒庭古樹只獨倚敗蟬殘蛩苦相仍雖然詩膽大於斗爭
奈愁腸牽似繩短燭初添蕙幌影微風漸折蕉衣稜安得

彎弓似明月快箭拂下西飛鵬

奉和次韻

日休

書淫傳癖窮欲死饒饒何必頻相仍日乾陰蘇厚堪剥藤
把敵松牢似繩搗藥香侵白袷袖穿雲潤破烏紗稜安得
瑤池飲淺酒半醉騎下垂天鵬

秋賦有期因寄龔美

時將主
試貢士

龜蒙

雲似無心水似閑忽思名在貢書間煙霞鹿弁聊懸著
隣里漁舸暫解還芳草病來猶滿筵藥苗衰後即離山廣
寒宮樹枝多少風送高低便可攀

奉和次韻

日休

十載江南盡是閑客兒詩句滿人間郡侯聞譽親邀得鄉
老知名不放還應帶瓦花經汴水更推乃雲實出包山太微

宮裏環岡樹無限瑤枝待爾攀

病中秋懷寄龔美

龜蒙

病容愁思苦相兼清鏡無情未我嫌貪廣異疏行徑窄故
求偏藥出錢添同人散後休賒酒雙燕辭來始下簾更有
是非濟未得重憑詹尹拂龜占

奉和次韻

日休

貧病於君亦太兼高應亦被天嫌因分鶴料家資減為
置他食口數添靜裏改詩空凭几寒中注易不開簾清詞
一一侵真宰甘取窮愁不用占

新秋即事三首

日休

癡号多於顧愷之更無餘事可從知酒坊吏到常先見鶴
料符來每探支

吳郡有
鶴料案

涼後每謀清月社晚來專赴白蓮

期共君無事堪相賀又到金薤玉鱠時

堪笑高陽病酒徒幅巾蕭麗在東吳秋期淨掃雲根瘦山
信迴緘乳管麤白月半窓抄木序清泉一器授芝圖乞求
待得西風起盡去挽煙帆入太湖

露撞風杉滿曲除高秋無事似雲廬醉多已任家人厭病
久還甘吏道踈青在巾箱時寄藥白綸卧具半拋書君卿
脣舌非吾事且向江南問鰈魚

奉和次韻

龜蒙

心似孤雲任所之世塵中更有誰知愁尋冷落驚雙鬢病
得清涼減四支懷舊藥溪終獨往宿枯杉寺已頻期兼須
爲月求高處即是霜輪殺滿時

帆檝衣裳盡釣徒往來蹤跡遍三吳閑中展卷興亡小醉

後題詩點畫麤松島伴譚多道氣竹窻孤夢豈良圖還須
待致昇平了即任扁舟放五湖

聲利從來解破除秋灘唯憶下桐廬鷓鴣陣合殘陽少蜻
蛸吟高冷雨踈辯伏南華論指指才非玄晏借書書當時
任使真堪笑波上三年學炙魚

南陽潤卿將歸雷平因而有贈

日休

借問山中許道士比迴歸去復何如竹屏風扇抄遺事拓
步真竿繫隱書絳樹實多分紫鹿丹沙泉淺種紅魚東
卿旄節看看至靜啓茅齋慎掃除

奉和

龜蒙

朝市山林隱一般却歸那減卧雲懼墮堦紅葉誰收得半
盞清醪客醉乾玉笈詩成吟處曉金沙泉落夢中寒真仙

若降如相問曾步星網遠醮壇

訪寂上人不遇

日休

何處尋雲暫廢禪客來還寄草堂眠桂寒自落翻經案石
冷空消洗鉢泉爐裏尚飄殘玉篆龕中仍鑱小金仙須將
二百籤迴去待得支公恐隔年

奉和

龜蒙

芭蕉霜後石欄荒林下無人閉竹房經抄未成拋素几錫
環應撼過寒塘蒲團為拂浮埃散茶器空懷碧餽香早晚
却還宗炳社夜深風雪對禪牀

顧道士亡弟子乞銘於龔美既而奉以束帛因

賦戲贈

龜蒙

童初真府召為郎君與抽毫刻便房亦謂神仙同許郭不

妨才力似班揚比於黃絹詞尤妙酬以霜縑價未當唯我
有文無賣處筆鋒銷盡墨池荒

奉和

日休

師去東華却鍊形門人求我誌金庭大椿枯後新為記仙
鶴亡來始有銘前朝文集未
有道士銘誌瓊板欲刊知不朽冰紈將受恐
通靈君才莫嘆無茲分合注神玄劍解經

秋夕文宴

得遙字

日休

啼鶯衰葉共蕭蕭文宴無喧夜轉遙高韻最宜題雪讚逸
才偏稱和雲謠風吹翠蠟應難刻月照清香太易消無限
玄言一盃酒可能容得蓋寬饒

同前

得成字

龜蒙

筆陣初臨夜正清擊手銅遙認小金鉦飛觥壯若遊燕市覓

句難於下趙城隔嶺故人因會憶傍簷棲鳥帶吟鷲梁王
座上多詞客五韻甘心第七成

梁昭明嘗文宴賦詩各五韻劉孝威第七方成

南陽廣文欲於荆襄卜居因而有贈

日休

地肺從來是福鄉廣文高致更無雙青精飯熟雲侵竈白
袂成雪濺牕度日竹書千萬字經冬木煎兩三缸鱸魚
自是君家味莫背松江憶漢江

代廣文先生訓次韻

龜蒙

不知天隱在何鄉且欲煙霞跡暫雙鶴廟未能齊月馭
鹿門聊擬並雲牕蘇銜荒磴移桑屐花浸春醪挹石缸
莫惜查頭容釣伴也應東印有餘江

寄毗陵魏處士朴

日休

文籍先生不肯官絮巾衝雲把魚竿一堆方冊為侯印三

級幽巖是將壇醉少最因吟月冷瘦多偏為卧雲寒兔皮
衾暖蓬舟穩欲共誰遊七里灘

奉和

龜蒙

經苑初成墨沼開何人林下肯尋來若非宗測圖山後即
是韓康賣藥迴溪籟自吟朱鷺曲沙雲還作白鷗媒唯
應地主公田熟時送君家麴蘖材

初冬偶作寄南陽潤卿

日休

寓居無事入清冬雖設樽壘酒半空白菊為霜翻帶紫蒼
苔因雨却成紅迎潮預遣收魚笱防雪先教蓋鶴籠唯待
支硎最寒夜共君披氅訪林公

奉和次韻

龜蒙

逐日生涯敢計冬可嗟寒事落然空牕憐反照綠書小庭

喜新霜爲橘紅衰柳尚能和月動敗蘭猶擬倩煙籠不知海上今清淺試與飛書問洛公

冬曉章上人院

日休

山堂冬曉寂無聞一句清言憶領軍琥珀珠粘行處雪棧欄筆中掃臥來雲松扉欲啓如鳴鶴石鼎初煎若聚蚊不是戀師歸去晚陸機共內足毛羣

奉和

龜蒙

山寒偏是曉來多況值禪牕雪氣和病客功夫經未演故人書信約新磨閑臨靜案修茶品獨傍深溪記藥科從此道遙知有地更乘清月伴君過

寄題鏡巖周尊師所居詩并序

日休

處州仙都山之半有洞口下望之如鑑目之曰鏡巖下去地二

百尺上者以竹梯爲級中如方丈內有乳水滴瀝嵌罅黃老徒周君景復居焉迨八十年不食乎粟日唯焚降真香一炷讀靈寶度人經而已東牟段公柯昔爲州日聞其名梯其室以造之且曰君居此久矣乳水之滴晝夜可知量乎周君曰某常揣之盡晝與夜一斛加半焉公異而禮之後柯別十二年日休至吳處人過說周君尚存吟想其道無由以覩因寄題是詩云

詩

八十餘年住鏡巖鹿皮巾下雪髟髟牀寒不奈雲縈枕經潤何妨乳滴函飲澗猿迴窺絕洞緣梯人歇倚危杉如何計吏窮於鳥欲望仙都舉一帆

奉和

龜蒙

見說身輕鶴不如石房無侶共雲居清晨自削靈香枓獨

夜空吟碧落書十洞飛精應徧吸一莖秋髮未曾梳知君便
入懸珠會早晚東騎白鯉魚

寒夜文宴 得泉字

日休

分朋競爨七香牋王朗風姿盡列仙盈篋共開華頂藥滿
餅同坼慧山泉蟹因霜重金膏溢橘爲風多玉腦鮮吟罷
不知詩首數隔林明月過中天

同前 得鷲字

龜蒙

各將寒調觸詩情旋見微漸入硯生霜月滿庭人暫起汀
洲半夜鴈初鷲三清每爲仙題想一日多因累句傾千里
建康衰草外含毫誰是憶昭明

庚寅歲十一月新羅弘惠上人與本國同書請日休
爲靈鷲山周禪師碑將還以詩送之

三十麻衣弄渚禽豈知名字徹雞林勒銘雖即多遺草越
海還能抵萬金鯨鬣曉掀峯正燒黿晴夜沒島還陰二千
餘字終天別東望辰韓淚灑襟

奉和

龜蒙

一函迢遞過東瀛紙爲先生處乞銘已得雄詞封靜檢却
懷孤影在禪庭春過異國人應寫夜讀滄洲怪亦聽遙想
勒成新塔下盡望空碧禮文星

送潤卿博士還華陽

日休

雪打蓬舟離酒旗華陽居士半酣歸逍遙只恐逢雲將恬
澹真應降月妃仙市鹿胎如錦嫩陰宮燕肉似蘇肥公車
草合蒲輪壞爭不教他白日飛

同前

龜蒙

何事輕舟近臘迴茅家兄弟欲歸來茅司命以三月十八日十封題二月二日會子華陽天
玉洞虛無奏點檢霜壇沆漚杯雲肆先生分氣調山圖公
子愛詞才殷勤爲向東卿薦灑掃含真雲後臺

寒日書齋即事三首

日休

叅佐三間似草堂恬然無事可成忙移時寂歷燒松子盡
日殷勤拂乳牀將近道齋先衣褐欲清詩思更焚香空庭
好待中宵月獨禮星辰學步綱

不知何事有生涯皮褐親裁學道家深夜數甌唯栢葉清

晨一器是雲華

雲母別名

盆池有鷺窺蘋沫石版無人掃桂花江

漢欲歸應未得夜來頻夢赤城霞

方朔家貧未有車肯從榮利捨樵漁從公未怪多侵酒見
客唯求轉借書暫聽松風生意足偶看溪月世情踈如鈎

得貴非吾事合向煙波爲玉魚

松江有玉魚

奉和每篇各用一韻

龜蒙

不必探幽上鬱岡公齋吟嘯亦何妨唯求薏苡供僧食別
著氍毹待客牀春近帶煙分短蕙曉來衝雪撼踈篁餘杭
山酒猶封在遙囑高人未肯嘗

已上星津八月槎文通猶自學丹砂

江文通有丹砂可學賦

仙經寫得空

三洞隱士招來別九華靜對真圖呼綠齒偶開神室問黃
牙方詔更是憐才子錫賚於君合有差

名價皆酬百萬餘尚憐方丈講玄虛西都賓問曾成賦東

海人求近著書

襲美嘗作弔江都賦又新羅僧請爲大師碑銘

茅洞煙霞侵寤寐壇

溪風月挂樵漁清朝還要廷臣在兩地心寧容便結廬

臘後送內大德從勗遊天台

日休

講散重雲下九天大君恩賜許隨緣霜相中一鉢無辭乞湖
上孤舟不廢禪夢入瓊樓寒有月天台山有金庭不死之鄉及瓊樓玉室行過石
樹凍無煙案消山有石樓樹吳大皇元年郡吏伍曜於海際得之枝莖紫色有光有越謂之石連理也他時瓜鏡知何
用吳越風光滿御筵

奉和

龜蒙

應緣南國盡南宗欲訪靈溪路暗通溪在天台山下歸思不離雙闕
下去程猶在四明東銅餅淨貯桃花雨金策閑搖麥穗風
上人指期國清過夏若戀吾君先拜疏為論台嶽未封公

寄題玉霄峯葉涵象尊師所居

日休

青冥向上玉霄峯元始先生戴紫蓉曉案瓊文光洞壑夜
壇香氣惹杉松閑迎仙客來為鶴靜嘆靈符去是龍子細
捫心無偃骨欲隨師去肯相容偃骨在宵者名入星骨

奉和

龜蒙

天台一萬八千丈師在浮雲端掩扉永夜祇知星斗大深秋
猶見海山微風前幾降青毛節雪後應披白羽衣南望煙
霞空再拜欲將飛魄問靈威

南陽廣文博士還雷平後寄

龜蒙

微微春色染林塘親撥煙霞坐澗房陰洞雪膠知未入濁醪
風破的偷嘗芝臺曉用金鑿煮星度閑將玉鉛量幾遍侍
辰官欲降曙壇先起獨焚香

奉和次韻

日休

春彩融融釋凍塘日精閑嘯坐巖房瓊函靜啓從猿覩金
液初開與鶴嘗八會舊文多搭寫七真遺語剩思量不知
夢到為何處紅藥滿山煙月香

題支山南峯僧

日休

雲侵壞衲重隈肩不下南峯不記年池裏群魚曾受戒林
卿孤鶴欲參禪雞頭竹上開危逕鴨腳花中擷廢泉無限
吳都堪賞事何如來此看師眠

奉和次韻

龜蒙

眉毫霜細欲垂肩自說初棲海岳年萬壑煙霞秋後到一
林風雨夜深禪時翻貝葉添新藏閑插松枝護小泉好是
清冬無外事匡牀齋罷向陽眠

送董少卿遊茅山

日休

名卿風度足杓斜一舸閑尋二許家天影曉通金井水山靈
深護玉門沙空壇禮後銷香母陰洞緣時觸乳花盡待于公
公作廷尉卿嘗為大理用法有廉平之稱不須從此便餐霞

同前

龜蒙

威輦高懸度世名至今仙裔作公卿將隨羽節朝珠闕曾佩
魚符管赤城董嘗判台州雲凍尚含孤石色雪乾猶墮古松聲應
知四扇靈方在待取歸時綠髮生

襲美將以綠芻為贈因成四韻

龜蒙

三逕風霜利若刀襜褕吹斷胃蓬蒿病中祇自悲龍具世
上何人識羽袍狐貉近懷珠履貴薜蘿遙羨白巾高陳王
輕暖如相遣免製衰荷效廣騷

訓魯望見迎綠芻次韻

日休

輕裁鴨綠任金刀不怕西風斷野蒿酬贈既無青玉案織華
猶欠赤霜袍煙披怪石難同逸竹映仙禽未勝高成後料
君無別事只應酣飲詠離騷

寄懷南陽潤卿

日休

鹿門山下捕魚郎今向江南作渴羗無事只陪看藕樣有
錢唯欲買湖光醉來渾忘移花處病起空聞焙藥香何事
對君猶有愧一蓬衝雪返華陽

奉和

龜蒙

高抱相逢各絕塵水經山跡不離身才情未擬陽從事玄
解猶嫌竺道人霞染洞泉渾變紫雪披江樹半和春誰憐
故國無生計唯種南塘二畝芹

天竺寺八月十五日夜桂子

日休

玉顆珊珊下月輪殿前拾得露華新至今不會天中事應
是常娥擲與人

奉和

龜蒙

霜實常聞秋半夜天台天竺墮雲岑垂拱中天台桂子落一十餘日方止如何兩
地無人種却是湘灘是桂林

釣侶二章

日休

趁眠無事避風濤一斗霜鱗換濁醪吳中賣魚論斗驚怪兒童呼不
得盡衝煙雨漉車螯
嚴陵灘勢似雲崩釣具歸來放石層煙浪濺蓬寒不睡更
將枯蚌點漁燈

奉和次韻

龜蒙

一艇輕撐看晚濤接籬拋下漉春醪相逢便倚蒹葭泊更
唱菱歌擘蟹螯

雨後沙虛古岸崩魚梁移入亂雲層歸時月墮汀洲暗認
得妻兒結網燈

寄同年韋校書

日休

二年踈放飽江潭
水物山容盡足耽
唯有故人憐未替
欲封乾鱠寄終南

奉和

龜蒙

萬古風煙滿故都
清才搜括妙無餘
可中寄與芸香客
便是江南地里書

初冬偶作

日休

豹皮茵下百餘錢
劉墮閑沽盡醉眠
酒病校來無一事
鶴亡松老似經年

奉和次韻

龜蒙

桐下空堦疊綠錢
貂裘初綻擁高眠
小壚低幌還遮酒
滴清香似去年

醉中寄魯望一壺并一絕
日休
門巷寥寥空紫苔
先生應渴解醒盃
醉中不得親相倚
故遣青州從事來

走筆次韻奉酬

龜蒙

酒痕衣上雜莓苔
猶憶紅螺一兩盃
正被遶籬荒菊笑
日斜還有白衣來

更次來韻寄魯望

日休

蕭蕭紅葉擲蒼苔
玄晏先生欠一盃
從此問君還酒債
顏延之送幾錢來

又和次韻

龜蒙

堦下飢禽啄嫩苔
野人方倒病中盃
寒蔬賣却還沽喫
可有金貂扶得來

重玄寺雙矮檜

日休

撲地枚徊是翠鈿
碧絲籠細不成煙
應如天竺難陀寺
一對狻猊相枕眠

奉和

龜蒙

可憐煙刺是青螺
如到雙林誤禮多
更憶早秋登北固
海門蒼翠出晴波

醉中戲贈襲美

龜蒙

南北風流舊不同
僖吳今日若相通
病來猶伴金盃滿
欲得人呼小褚公

奉詔次韻

日休

秦吳風俗昔難同
唯有才情事事通
剛戀水雲歸不得
前身應是太湖公

阜橋

日休

阜橋依舊綠楊中
閭里猶生隱士風
唯我到來居上館
不知何道勝梁鴻

奉和

龜蒙

橫絕春流架斷虹
凭欄猶思五噫風
今來未必非梁孟
却是無人繼伯通

松陵集卷第八

